

甘肅府縣志輯

中國地方志集成

光緒重纂秦州直隸州新志

中國地方志集成

甘肅府縣志輯 ③〇

光緒重纂秦州直隸州新志

鳳凰出版社 ● 上海書店 ● 巴蜀書社

本書二十四卷首一卷，據清光緒十五年（一八八九）隴南書院刻本影印。

（書）

余翠春

王

其昌

纂

重修秦州志序

余以咸豐己未通籍於

朝官農部常縱觀天下圖籍戶

口之蕃行貢賦之出入竊謂

生齒繁則上之休養可知也

征斂薄則下之積儲可知也

秦州直隸州新志

序

一

由是推之民生遂而康樂之
風怡然矣民財阜而禮教之
俗蔚然矣然未乞外迄無以
自効歲丁丑奉

天子命來巡隴南巡道曩治岷州
以秦州為適中地今設行臺

焉余思秦州固隴中一大都

會也其地宜麥間宜稻氣暖

若南服亦宜蠶然閭於浴繅

故帛匹不為時重余為募業

此者導以法俾盡其利鄉曲

染末俗植阿芙蓉先示禁之

秦州直隸州新志

譚序

二

屈春暮輒遣卒劇之無使滋
募顧民俗質木而士氣秀良
兵革之餘常不廢弦誦董研
樵觀察為建書院置義塾以
育其材之美者余稍擴之計
咸同以前鄉舉歲不過一二

人今則七八人捷南宮入詞館者且相望也毋亦勸學之薄效歟余不佞每念治民之要不外教養兩端竊欲以己之所見證諸紀載之所傳檢舊志則今昔不同風會疊異

蓋距修志時又百餘年矣迺屬余牧澤春重修之澤春刺秦久夙悉其風物聘任君其昌王君權綜纂輯二君生長是邦又皆博學能文爰訪逸事於遺獻蒐稗說於名山博

恩命

採旁搜駁駁大備澤春旋以禮去官匡牧翼之張牧珩繼之逾年而藏事函來以序請時余已屢膺

擢任甘藩受其書讀之分為十帙喜其於山川之隘險習

俗之好尚物產之通易與夫學校戰守諸大政罔弗覩列循是編而會通之何者為教所以興民行何者為養所以勤民事是即化民成俗之權輿亦余當日巡視隴南及今

日承宣全隴之藉以自効者
爰濡筆而為之序
光緒十五年己丑仲夏月瀏
陽譚繼洵撰并書

唐之隴右道於今為分巡鞏秦階道統郡三廳
州縣十有八地險而形要民質而俗勁實踞河
湟之維首控關陝之上游保障拊循常視他郡
為重而秦州鈐轄五縣扼蜀錯陝形勢物力尤
號輿衍殷繁其兵食之源流風土之利病撫馭
之機宜散見於諸史者恆畧而備載於州縣志
者為詳志乘之與治術固相為輔車歟然而蒐
羅不備考核不精則志乘之無裨考鏡轉滋迷
溺者有之余以光緒癸未由詞館奉

恩命出巡此道自顧學蕪識闇興革措施固敢臆決
每取州縣各志參酌講求冀資裨助見有採摭
缺漏援據疏舛者懷欲更之而病未遑且自同
治軍興兵荒洊更上之征防振卹下之文武節
義非有人焉踵事增輯大懼放軼以湮會譚敬

甫方伯亦措意茲事檄促州牧余澤春剋期纂修州志余牧方任繁劇力難兼逮則聘在籍戶部主政任君其昌前陝西富平令伏羌王君權分門纂次其採訪參校皆簡賢能助理以戊子三月開局採輯凡十五閱月而工竣釐舊訂新都為書二十四卷於舊志之闕者補之誤者正之枝者剔之而自乾隆癸巳下迄光緒丁亥百

秦州直隸州新志

姚序

二

一十三載之兵戎食貨官師人物纂述尤為明備余嘗謂近世修志者有五敝見聞未廣邊幅窘促一敝也網羅雖富短於裁制二敝也鋪張景物濫登題詠三敝也貌為古簡刪落事實四敝也撫古蹟則侵越隣境敘人物則掠材他山附會牽扳事同攘奪五敝也余不諳史學此書與古史義法離合微眇之分誠不知何如若其

辭晰事該堪資考鏡矚然一洗五敝之錮習則覽者盡知之矣謹以管見撮陳纂述要領以為之序既用自鏡且冀列城賢牧令案置一編資之圖政志乘之果有助於治術者其在斯乎其

在斯乎
光緒十五年歲次己丑甘肅鞏秦階觀察使者
姚協贊序

秦州直隸州新志

姚序

三



重脩秦州志序

志者史之一體春秋左氏傳稱左史倚相能讀三墳五典八索九邱漢孔安國氏曰九州之志謂之九邱者聚也乃知撫州邑之事以要最著於官書其由來尚矣守土者覽之知土地之所生風氣之所宜於以權政教之緩急輕重布其

秦州直隸州新志

余序

利而制其變非但存文獻而已也秦州之有志明嘉靖時胡公儋宗實始脩之至

國朝順治迄乾隆脩者再焉光緒丁亥春復奉大吏檄令重脩以備省志采擇爰聘在籍直刺王君權農部任君其昌菟輯纂次而比部于君登瀛正郎張君和銓部蘇君統

武等咸同心襄訂以秦之不敏上與經理其事而歲成於後政匡君竊維州境介雍梁之交嬴秦之興實基於此而後之言形勢者每謂閩隴為天下之上游而秦州常閩隴之阨塞故昔剖分之世圖閩中者恒規秦州連結羌胡以震動閩輔而制蜀者亦以先得秦州而梁

秦州直隸州新志

余序

二

益在其掌握則常以一州而持天下之全勢非以其地險而居要歟然宇內之變無窮而天下之險無常據惟調民氣之靜躁使劑於和樂而不可亂矣古今則一也我朝幅員之廣遠軼前代域內險艱悉為樂壤前雖回逆蠢動越數年旋就底定今新疊聲設行省而秦州

為腹內之地用兵之後徙置回民
於奉州者蓋數萬口詩云迨天之
未陰雨徹彼桑土綢繆牖戶則豈
可狃於安逸而不致慮於隱微哉
昔西晉之初羗氏雜處關中江統
著徙戎論上之於朝其言率驗雖
然晉世之荒亂果皆戎為之乎抑
自為之乎蓋不能必其無變者存

乎天而維持於事先以保其不可
虞者存乎人惟夫司牧斯土者攷
攷焉推心徧德以和民氣而消患
萌斯則長治久安之宏圖可承
乏云久甫得息肩適會州志之成
故敢推論檢馭之責以自抒其愧
且以諗後之君子至山川之盛美
名跡之流傳則志書已詳不復具

論云

省

光緒十四年歲次戊子仲夏之吉
知直隸秦州事調任甘州府知
府嚴江余澤春序并書



重修秦州志序

秦州之有志昉自前明秦安
胡中丞纘宗

國初隴右道萊陽宋琬續修書
成而未付梓乾隆甲申年知
州吳江費廷琬緣舊藁纂成

秦州直隸州新志

匡序

秦州直隸州志十二卷至今
蓋百二十餘年矣夫以歲序
既更人物代嬗又歷兵燹事
故叢積其間賢良文學之彥
砥名行於閭閻義夫烈婦之
倫縻骨殖於草野此皆足以

輝映古先抗烈史乘而令其

聲流踵潤與草木同腐閱世
移時無能知其姓名則亦沒
起者之咎也客春方伯譚公
寓書前知州遂安余澤春仔
重修州志余君即延前陝西

秦州直隸州新志

匡序

二

富平縣令王君權州人前戶
部主事任君其昌德任編輯
采訪棟閣檢稽罔藉擇能者
分任之凡十五閱月而事始
竣分類十為卷二十有四聲
訂舊文室漏正訛纂續新聞

闡幽發潛昔宋子京修唐書
自云事增於前文省於舊今
以書也艾前人之繁蕪條後
事之厓眚卷帙雖富於前而
字數略等於宋說蓋庶幾馬
抑余聞之官先事士先志事

有未成必資於古志有未立
宜鑒於前昔人謂官必久於
其任而後政可成余承乏於
茲甫及一稔興利除害誠或
未遑然如志中所載張逸少
國棟諸人皆非久於此官而

至則民樂去則民思謳吟企
慕于今未已豈非才德並懋
能於其職而能歟余用是自
咎於表尚冀後之君子履前
人轍跡體吾民痾瘵庶乎以
書之成永為典憲而邦人士

之讀之者如漢李趙之將略
任姜之隱德趙壹之文采唐
權皋父子之忠節相業宋劉
錡之武功曹友聞之忠槩取
為師法日相砥礪人才輩出
罔替於古開卷有得或不乏

僅以為設資也余承余君後
韋預茲事故深為弁言列諸
簡端用以自勗且以告州人
之有志業而尚論古人者
光緒十五年己丑孟秋月署
秦州直隸州事湘潭匡翼之

秦州直隸州新志

匡序

五

撰并書

重修秦州直隸州新志序

自漢分隴西置天水而秦州遂為雄郡其
地南搃巴漢北枕韋夏東通關陝西走河
湟險隘阻奧山川糾結風氣樸厚人務本
業依古割據爭衡此固交馳之所也爰逮
有明三百年中道學經術之彥文章政事
之才挺挺英英接跡而起與古所云風俗

秦州直隸州新志

張序

一

強武得車鄰馮鐵之遺者不有聞與我
朝煦育休養日固以安舊德先疇習遠龐異
繁富之聲甲於隴上獄訟衰少賦輸駢蕃
官閒政簡斯洵不愧為樂土者矣然余於
同治庚午謝文縣事赴會垣過此州道阻
不通觀察使留使襄城防事因駐於此者
逾二稔爾時兵烽四起軍匱民疲邨塢陷

沒饜肉流血則地勢之險塞不足恃也徵科無藝朝輸暮納則財貨之充衍不足支也談藝橫經之士日奔迫於朝鼓夕析之閒秉耒載耜之農羣驅逐於荷耜負耜之地嗚呼彼一時此一時曩之安其俗樂其業者迺至此極耶自軍事靖息人圖保聚以庶以蕃漸復其舊歲丙戌余自甯夏來

秦州直隸州新志

張序

二

謁觀察赴武都任目覩邨樹茂密衢巷喧闐又未嘗不為生民喜也今年夏承乏茲土適值重修州志工尚未蒞父老以序為請余取藁本略讀之為卷廿有四為門十經事綜物庶幾詳實夫山川疆域不變者也邑居砦塢變而仍不變者也惟夫食貨賦役正供有常法而催科者之廉侈緩急

則不一學校選舉歲時有定數而習經者之淺深精粗則不一武備戰防軍制有著律而操縱者之能否工拙則不一凡此數者豈非興替之要而得失之林乎然州縣之有志譬國之有史師法鑒戒具備於茲官讀之而詳弛張之宜民讀之而得敦厲之道平陂剝復聽之天治略節行飭之己

秦州直隸州新志

張序

三

則此書也未始非除靈去媿仰迓天休之嚆矢也至於纂輯始末則余匡二君序備之茲不復贅云

光緒十五年歲次己丑季秋署秦州直隸州事宜黃張珩序

嘉靖戊午暮春郡大夫質菴先生枉駕於余鳥鼠山房
因論政教風俗孰王孰霸孰古孰今續宗對曰巍巍乎
周孔百王之師而萬世之宗也舍周非王矣舍孔非聖
矣侯曰唯然政不皆關雎也教不皆鄒嶧也如何續宗
曰苟志向一於是人皆可以爲周孔矣侯曰唯夫秦亦
大矣考之郡未有記也聞錄於傳侯而未成也故無傳
然無史矣曰然然郡亦有史乎曰今之郡縣古之國也
郡縣之志郡縣之史也曰然則郡記不屬之子乎續宗
再拜以不文辭侯曰郡有子而無史可乎續宗曰秦大

秦州直隸州新志

胡序

一

矣昔與雍並今雖稱州揆之府也學者學羲皇之易學
軒帝之律而宗周孔也夫復何求侯曰唯然有史以宗
周孔而祖義軒無則守何以政學何以教哉曰三代之
學然也若今之史則非三代之史也故自方輿勝覽出
而世無史矣曰彼備考索耳考索非學乎曰史所以記
也記古今記得失記賢不肖耳考索豈學乎曰子不究
史乎曰經且未窮况史乎然子秦人也秦記當屬之子
矣續宗再拜以非史辭侯曰子參對敬皇實錄列職戶
館矣列銜聖錄矣曰史也然非史也史未被若選爾曰

黃公司徒仲實郡公太僕思抑非史乎曰史也亦欲被
選者曰然則記不當屬之子乎續宗再拜弗獲辭復曰
不識先天何以學卦不達黃鐘何以學律呂欲記之志
也於是復再拜質之我侯曰史也人皆稱左傳國語又
稱左傳又不稱左傳人皆稱史記漢書又稱史記又不
稱史記如何曰傳魯史爾史不有尙書儀禮乎記太史
氏創爲之者史不有周禮春秋乎然皆經也或曰經載
道史載事左馬班紀事爾經亦事也固道也或以稱蜀
人寇爲非或以爲紀實或以目秦爲閭位爲末或以爲

秦州直隸州新志

胡序

二

朋統然史豈易作哉國朝郡縣志則勝覽之餘韻也故
不分門無所考不列類無庸索夫玉海類也然事核焉
通典類也然制該焉復再拜質之我侯曰安慶記予稍
變之然未放古也而覽者不以爲枝輩郡記予又變之
然未劣今也覽者不以爲糜茲秦記或以爲今而非今
也或以爲古而非古也二泉公嘗志許昌潞西公嘗志
武功舉世稱之茲記敢比二志猶夫二記爾何以復我
侯是故述述乎古以詔乎今也表表乎物以儀乎人也
曰地理敷土也曰官師建官也曰選舉賓興也曰儀制

遵憲也曰邊防禦戎也曰食貨理財也曰兵戎紀兵也
曰災祥記異也曰藝文勒實也考皇述帝郡不得而紀
也其諸列傳允文允武非程度乎而聖政巍巍也克忠
克孝非準則乎而聖教穆穆也况循足以勸酷足以懲
哉然皆本之遷史固書然遷固之罪人也是故范氏唐
鑑本之伊洛呂氏大事記本之獲麟而史不徒作也然
續宗非史也如政教何侯曰可也殆欲家岐鄴而戶鄒
魯乎曰唯公一德一心者也諸父老曰觀我侯之一鶴
一琴修如也必其厚有得者諸薦紳曰唯父老白之臺

秦州直隸州新志

胡序

三

云嘉靖戊午秋七月七日烏鼠山七十九翁胡繼宗書

關中號神州陸海蓋天下之大觀也隴關而西則爲天
水成紀一大都會余奉命巡蒞茲土始如其履輒縱觀
之山林蔽虧原隰敷衍秀色環峙相錯如繡其隩區乎
已而登畫卦臺闕龍淵謁太昊之故宮眺軒轅之靈谷
則神聖之所鍾也周徊四顧板屋穴居耕鑿榛狫蓋猶
有羲皇之遺俗焉及探諸葛之壘陟伯陽之臺詢趙壯
侯姜伯約權安邱趙文忠之宅過杜陵草堂故址具在
世家系籍猶然存什一於千百也噫嘻盛哉然前事之
不忘後事者之鑑也借令往勝湮沒無徵不甯山川弗

秦州直隸州新志

李序

一

張於職方而執政者亦何以觀諸俗余因諮之秦守守
曰秦故有記爲秦安胡中丞所編其人往矣歲遠殘缺
弗可攷余乃檄秦安令徵遺編於其家得完書卒業記
有述有表有志有攷有列傳其事則自義軒以暨晚近
其文則自經傳以至諸史無所不載而又分門析類條
列班班文獻於是乎有徵矣稽之方輿則其名山曰岷
曰隴曰朱圉曰嶓冢天下之山宗焉其大川曰江曰河
曰渭曰漢天下之水宗焉天地盛德之氣自西北始繼
天立極元聖是毓邈乎尙已李唐崛起帝業基之文物

聲名猶可概見鉅儒則石作蜀秦祖壤駟赤忠武則李
廣趙充國劉錡文苑則李陵趙壹李白此其煌煌較著
者也脫曰非山川之靈宜不及此繇斯而論其世汗隆
可得而言已周室衰微戎狄錯居涇渭之北秦穆西伐
遂致隴以西有綿諸緄戎翟獯之戎漢益迫羗修戰備
選六郡良家子給羽林期門名將材官多出其地唐季
天寶陷於吐蕃咸通始復我郡縣封疆之臣惟戈矛是
急樽俎不遑彼一時也皇祖三犁以來王庭直空大漠
之北秦隴雖稱邊郡然不中兵者二百餘年文德誕敷

秦州直隸州新志

李序

二

庶幾義黃之世都人士暨諸父老幸而生茲時也不亦
恬愉乎哉且志有之天水土厚水深其人勁悍而質木
尙儉約習仁義以善導之易於興起或驅以猛則其強
毅果敢之資亦足以成富強之業風偃謂何余不佞無
能布德意以周境內乃今室有疾苦藪有逋逃士習漸
漓民用漸參重爲諸父老憂願諸大夫暨都人士無棄
不佞而朝夕修之務孳孳奉天時繕地利以興民事蒐
未墜飭未周俾今日之秦壹猶疇昔政教畢舉人文蔚
興無爲山川之辱則不佞幸矣中丞胡公爲昭代名世

蓋亦鍾天水之奇者余不獲身事之猶幸見其文也謀
垂有承因命築氏新之若夫葺佚芟繁則俟後之君子
萬厯二十六年莫春上澣分巡隴右兵備道李國士序

秦州直隸州新志

李序

三

粵稽職方氏掌天下之圖辨其邦國都鄙之人民與其財用九穀六畜之數而小行人之復命於王也其禮俗政事教治爲一書和親康樂安平爲一書是以不出戶庭而周知天下之故乾隆庚辰冬余奉命分巡隴右秦州固屬郡也其地東扼隴坻西倚天門形勢之勝隱然關內而自漢以來嘗爲用武之地我國家車書一統聲教所漸周於域外今其幅員猶是而險易之利建置之宜莫有過而問焉者蓋昇平之日久矣昔鄧侯入關首取圖書以稽戶口阨塞之數而朱文公宦轍所至

秦州直隸州新志 武序

亦必考其志乘以察民情風俗蓋典籍之所係如此噫余向者嘗以公役巡歷其疆問北流之泉訪東柯之谷勝事流傳父老間能言其一二而神魚福地古迹久湮未嘗不惜州志之廢而屬望於守土之吏起而修之也今年夏州牧費君廷珍以志書之成問序於余余謂斯土舊隸鞏昌雍正七年始以其州領縣凡諸故實大者分載他志其逸或時時見於野聞今費君得以政事之暇與州之二三文士廣收而約取之將見志之成也泉流龍馬嶺接鳳凰則山川略備也宮號隗囂迹傳臨渭

則沿革可稽也粟宜瘠地瓜種陽坡煙火村中牛羊嶺上則物產之饒與人民之衆恍然在目也上以備採風之顧問次以待司牧之披尋其於服官蒞任化民成俗之方庶幾有所助乎是志也其卽以爲職方之圖行人之職也可是爲序乾隆癸未秋七月洮岷隴右道武忱題於皋蘭行署

秦州直隸州新志 武序